

Այն խոստման համեմատ, որ փրկիչը արել էր մեր Աբգար թագաւորին, նրա համբառնալուց յետոյ, Բարդուղիմէոս եւ Թադէոս առաքեալներին վիճակոյեցաւ գալ Ղայաստանը լուսաւորելու: Բարդուղիմէոս առաքեալը եկաւ Աղբակայ կողմերը, իսկ Թադէոս առաքեալը՝ Ղայոց-ձորը, բերելով իր հետ աստոածամուխ գեղարդը, Ս. Աստոածածնի քօղը եւ անուշահոտ իւղի շիշը, որով փրկչի գլուխը օծեցին: Նա սկսեց քարոզել եւ իր բերած սրբութիւններով հրաշքներ գործել: Անգղ գետի ափի մօտ, ճիշտ այնտեղում, ուր այժմ Սուրբ Աստոածածնի վանքն է կանգնած, կար մի մեհեան: (Այստեղից փոքրիկնչ հեռու իջեւանել էր մեր քարաւանը: ) Աստոածամայրը երազում երեւում է Փրկչի առաքեալին եւ ասում է, որ այդ մեհեանի տեղում իր համար մի տաճար կանգնեցնէ: Առաքեալը մի հրաշքով կործանում է մեհեանն ու կուռքերը եւ սկսում է տաճարը կառուցանել: Այդ ժամանակ սկսւում է մի խուլ, աներեւոյթ կռիւ առաքեալի եւ կուռքերի մէջ: Ինչ որ առաքեալը ցերեկով շինել էր տալիս, դէւերը գիշերով քանդում էին եւ քարերը ձգում էին Անգղ գետի մէջ: Այդ քարերի կուտակութիւնից կազմուեցաւ այս բարձրութիւնը, որի վրայից գետը ջրվեժի նման ցած է թափւում եւ կոչւում է Սաչան: Յետոյ առաքեալը, Աստոածամօր խորհրդով, իր հետ բերած հրաշագործ իւղով օծում է մի խաչքար եւ կանգնեցնում է շինտելիք տաճարի տեղում: Այնուհետեւ դէւերը այլեւս չէին համարձակւում մօտենալ շինածքին, բացի դրանից, նրանք սեւ ագռաւների կերպարանք էին ստանում եւ աչքի էին երեւում: Բայց որովհետեւ նրանք օդի մէջ աղմուկ էին բարձրացնում եւ վերելից անհանգստացնում էին բանորրներին, այդ պատճառով անգղների կերպարանքով յայտնւում են աստծոյ հրեշտակները եւ սկսում են պատերազմել ագռաւների հետ: Անգղները յաղթում են, բոլոր ագռաւներին կոտորում են եւ նրանց դիակները նետում են գետի մէջ, միեւնոյն տեղում, ուր նրանք ձգել էին տաճարի քարերը: Ի յիշատակ այդ յաղթութեան, գետը կոչուեցաւ Անգղայ գետ, իսկ գիւղը, որտեղ կառուցուեցաւ Ս. Աստոածամօր տաճարը, կոչուեցաւ Անգղ գիւղ: Առաքեալի հրաշագործ իւղով օծած խաչքարը մինչեւ այսօր էլ մնում է տաճարի մէջ, եւ նոյն քարից անընդհատ կերպով ծորում է հրաշագործ ձեթ, որը ուխտաւորները ստանում են իրանց հետ եւ գործ են դնում զանազան ախտերի բժշկութեան համար: Պատմում էին, թէ առաջ այդ ձեթը այնքան շատ եւ առատութեամբ էր բխում, որ բաւականացնում էր վանքի բոլոր կանխեղների լուսաւորութիւնը: Բայց մի վարդապետի ազահութեան պատճառով ձեթը նոսրացեցաւ, երբ նա սկսեց վաճառել:

Մենք երկար չէինք բաժանւում Անգղ գետից, գնում էինք նրա հակառակ ուղղութեամբ: Ձկնորսները, նրա ընթացքի ուղղութեամբ, շտապում էին